


乾隆直隸商州志

(清)王如玖纂修



本書十四卷首一卷，據清乾隆九年（一七四四）刻本影印，本書間有漶漫不清處，諸館藏本皆同，無法換配。

直隸商州總志序

仕者捧檄之官一切簿書  
錢穀之程式各有吏焉  
司有問焉則以對若夫疆  
域之廣建置之由賦役之  
舊額食貨之源派官師選  
舉人物風俗之紀載凡有

關於吏治者問其什或不  
能舉其一非展籍而稽相  
與訂証莫之能悉則志之  
為志也重矣抑凡為志者  
或略而不詳或繁而寡要  
二者之失前人蓋備論之  
而世有升降吏有遷流隨

時修輯又守土者之職也

余自蒞茲州緡閱舊志見  
其頗多闕陋即思有以釐  
正之又以為奉改直隸則  
舊志不副其名宜統修一  
志以改前觀以詔後人且  
舊志修自

國初迄今

聖朝之休養生息涵濡教育百  
年於茲矣土田日闢人物  
蕃滋舉舊志之所無而宜  
備錄於今者固大有杜也  
惜乎名山石室鮮有藏書  
塾史稗官寂無私乘而屬

邑志載則闕陋更甚文獻無徵釐正為難蓋欲修而擱筆者屢矣既而思殘編斷簡好古者固將撫拾補綴而存之况舊志猶傳見聞未泯而散著於通志者尚存可採擷者乎於是合

四邑之冊更為訪羅別為條例編為十四卷搜之通志以酌其取舍節之舊志以備其叅考畧者詳之不詳者慎之錄者刪之不刪者仍之闕陋之失寧敢云殆盡與第較之前乘

差為明備可後之間人自得有所據以為藍本而官茲土而留心稽古以資吏治者亦未必非展卷之一助也云爾  
乾隆甲子春正月西山王如玖謹序



序  
志與史同體而異用陳經  
制別是非以昭法戒者史  
也若夫參酌今古分門輯  
類備一方掌故使修教齊  
政者有以協其宜而布其

化則志亟重我我

朝恩威遠播萬國尊親

聖聖相承道德一而風俗同輔

雄望繁之區皆可按圖而

徵洋洋乎巨觀哉甲子春

余膺

簡命秉臬秦中渡黃卷而西望  
太華終南峰岫秀傑鬱然  
為秦川保障心竊歎羨之  
及閱省志見夫人物之瑰  
奇風土之敦厚州木蟲魚  
之繁殖所謂雄天府而稱

陸海者猶西京之遺蹟與

至商州諸屬鎮安雒南山

陽商南數縣哀延山麓見

於紀載者無多不能無憾

於缺略也維時商守王君

輯志適竣謁余請序因姑

論之夫商古契所封地也  
方是皆上有慎徽五典之  
君下有敬敷五教之臣其  
勞來匡直輔翼而使自勉  
者度必始於至近而後推  
於四方秦漢以來為楚鄧

興元之要衝車騎躡沓陵  
谷遷徙沔風餘韻蕩然於  
少習蒼野間而高人奇士  
猶有託而藏焉者于是歎  
聖人之餘澤遠也今我  
國家治定功成仁育義正百

年之間固已山高而水清  
矣歟修廢舉興宜民善俗  
非良二千石之是賴乎王  
君以宛平名家子出所學  
以為治于茲十有七年其  
治民勸功決訟諸大政施

之皆有次第風土人情諳  
習有素故其為志也不以  
輯綴掩其長不以馳騫破  
其格不以荒經怪牒蝕其  
華端不以疑似依違淆其  
胸臆約而該詳而要準諸

天官以定星筮而占候度  
數一行括地之所不能周  
也準諸禹貢以正疆域而  
山川形勢河渠道里之脩  
列也準諸周禮以明建置  
而城郭廟社閭梁都鄙之

悉舉也詳田賦食貨之出  
而積貯物產之必登嚴職  
官選舉之條而循吏人才  
之尤重至於晉高士以端  
人品譜世家以勵風俗是  
其發例起凡有迥出尋常

什百者寧僅高文典冊與  
元毫丹水之藝文相輝映  
而已哉今王君以卓異晉  
秩東魯果推其所治商者  
以制治為  
昭代能臣炳諸史冊則雖

謂他日功業皆自守商始  
而守商德教即於作志徵  
之奚不可哉是為序昔  
乾隆九年歲在甲子仲夏  
穀旦

特撻陝西西安等處提刑按察

使司按察使紀錄二次葉

河赫慶譔



叙言

連雲壘月供文士之誼  
鑄繡虎雕龍資學人之藻  
績果其傳馨夏玉尚然紙  
貴當肯究之等巧斲輪不  
足績垂後日若夫闡揚遺  
烈

傳德業於無窮補綴陳編  
留典型於不墜上之則史  
冊之編年亞此即邦邑之  
志乘實屬為功名教良能  
輔翼彞倫者也矧夫採芝  
歌杳為昔賢高隱之方割

地辭荒乃霸王爭橫之所  
兼之山名川勝則熊耳仙  
娥古蹟芳踪則雞原鹿躅  
而顧可文獻無徵時事湮  
沒乎惟是有志之吏必待  
有志之人一代之書成於

一代之手固相得而彰無  
廢一而治也商牧王君  
宗伯文孫中丞肖子  
家承詩禮生彩筆於相門  
業繼弓裘紹青緗於柏府  
故能興學造士臻化俗之

休風而且啟本課農致賣  
刀之循績爰修志為一十  
四卷果有惠亦必有言計  
作牧者一十七年以治人  
而留治法茲當報最猶必  
成書將遺作來者之師資

乃畢其愛民之隱願特騰  
公積廣索弁言夫以余之  
不文幸值君之盛舉豈  
因腹餘遂令舌捫况乎作  
吏而長子孫久道化成夏  
可徵太平之盛盛牧民而

存譜牒 王臣匪懈尤足  
表治具之畢張猗與美扒  
於乎偉矣爰摠慮騁詞抽  
毫進牘直述其宅心之臧  
有功之鉅而為之叙云  
特授陝西布政使司叅議

直隸商州志

舒序

四

分守西鳳邠乾督糧  
道紀錄二次年家眷  
弟舒輅撰存撰



直隸商州總志目錄

卷首

叙

凡例十四條

星野圖

疆域圖

城池圖

卷一

星野第一

分野說 分野考 分野辨 柳宿  
星宿 張宿 占填星 占斗星 占  
斗建 占台星 占垣星 占國星 占  
占干支 占南河 占雲氣 河山兩

直隸商州志

目錄

戒附

疆域第二

歷代沿革表 沿革叙說 沿革考  
附錄 道里 形勢 八景  
十觀

卷二

疆域第二

山川 附岔塔溝  
渠井泉

卷三

疆域第二

山川 附岔塔溝  
渠井泉

卷四

建置第三

城池 公署 學校  
祠廟 寺觀附

卷五



凡例 十四條

一州志舊本俱已失傳其名目之見於續商志者明時有任懷南商畧八卷蕭五溪商州志二卷王伯凡續輯上中下三卷至

本朝順治間州守王靖宇訪求舊志僅得殘缺剝蝕者三册蓋即伯凡續輯耳嗣於康熙四年間州守王潔菴始重為纂輯名續修商志蓋掇拾舊志於煨燼之餘雖修而實創也閱今又八十餘載矣新事日增舊制漸易凡建置田賦官師選舉人物藝文之類宜增添更換者頗多况奉改直隸官攝四

直隸商州志 卷首 凡例

一

邑又宜統修一志予不敏忝承牧守十七載于茲使典册未備後來者攷訂無從非予之責歟但恨山陬僻陋文獻無徵州之舊志既缺焉未詳且繁而無當其他屬邑如武維緒之重修鎮邑志暢體元之重修雒邑志秦焱奎之纂輯山陽初志三書者亦聊存故事而已至商南一邑則並無志焉余於是搜錄通志參考州屬諸册重加釐正為志類十為卷十四約字有十五萬言分為八册聊為直隸州志作草創云爾由此而更加精詳焉倘俟後之君子

一作志者圖最為要按圖考籍方得其概是志各圖俱蓋本通志未合者改之缺者補之惟星野特繪柳星張三圖列之篇首開卷了然矣

一疆域中之道里山川每苦於紙上云云未必與現在方輿銖銖脗合即親身經歷之處或訪問無憑或見聞未的考信之難從古為然茲册細加考証有互異者俱備錄之庶足以俟後人之核實而訂訛焉

一食貨志內積貯轉運物產之類皆舊志所未詳茲特詳考備列頗切於事宜而為商洛利賴之大者

直隸商州志 卷首 凡例

二

撫茲土者所當留意也

一商屬五處物產大概相同志中或稱州志或稱某縣志始就舊志註入非專指也觀者詳之

一舊志防備一卷得未兩綢繆之義茲以附入建置內關梁兵防類中故不另列

一凡叙次人物例多以名宦居前此志特以高士一篇冠人物之首與凡志有異所謂特起義例也

一人物志一卷悉依各舊志重加釐正有增無減惟文繁者則節之

一名宦鄉賢二類不必以入祠為定詳其入祠之名

宦鄉賢姓氏附著於建置篇祠廟後覽者檢閱自得之

一據續商志云郡人周志德辛啟翰著貞氣集所載節烈皆本之茲亦悉仍其舊不敢有所去留

一現在未經旌表詳請入志者頗多若一概入志則恐考核未詳若據冊去取又恐見聞未確徒滋羣議未洽輿情今以已經旌表者入志未經旌表者則姑俟後人

一每論表章飾義一事往往有入志者未必盡合於義合義者未必盡得表章窮鄉僻壤苦節自甘貞

直隸商州志

卷首 凡例


三

真沉沒或有寂寂無稱者茲志新增節義一以旌表為據蓋以昭公義而息浮言亦事勢使然也

一藝文志一編舊志俱失之濫今嚴加裁汰蓋志者記也記其事與文之不可缺也無甚關係之作又何取焉况其文又未足取乎

一志之詳於商而或畧於屬邑者蓋邑各有志不能以州之統志而盡廢邑乘也然其大要亦粲然矣

自柳四度起  
鶉火之次  
柳宿圖




步天歌云柳八星曲頭  
垂似柳近上三星號為  
酒宴享大輔五星守

午宮丁方


直隸商州志 圖

鶉火之次  
星宿圖



步天歌云星七星如鉤柳  
下生星七上七軒轅形軒  
轅東頭四內平平下三個  
名天相相下稷星橫五覆

鶉火之次  
張宿圖



步天歌云張六星似井在星旁張下只是有天廟十四之星册四方長垣少微雖向上星數歌在大微旁太尊一星直上黃

直隸商州志 圖






二



直隸商州志 圖








直隸商州志

圖

六



直隸商州志

圖

七



